



天一閣書目 集部 卷四之二




漢書門類			
二	四	六	九
一	一	九	一
冊	架	函	號

內閣文庫			
二	四	六	九
九	一	〇	一
函	冊	架	號

內閣文庫			
番號	漢	2469	
冊數	10	(8)	
函號	297	88	





天一閣書目卷四之二

集部

別集類

育齋先生詩集十七卷

刊本


○明

戶部

員外郎

卞榮

紹輯



翰林院學士錢溥校正宏治乙亥禮部侍郎汪楷序云
 大學士淮南育齋高公起進士入翰林聲名日以流布
 竟陟臺閣深受主知當景泰間號多事公侃侃立朝一
 時士大夫倚以為重公既以文章功業名世然恆歉然
 不與人爭能所為歌詩溫厚和平有長者之風明白簡
 易有大人之度平生風采德器概可想見公歿幾三十

天一閣書目

集部

別集類

七

年傳稿散失高平李侯紱貳揚政務之暇得遺稿于公
姻婭郭羽門生陸碩輩僅二十餘卷慨然欲入梓以傳
求余敘諸首簡公致位少保兼太子太傅工部尙書東
閣大學士育齋其別號云

讀史漫稿一卷刊本 ○明慈谿陳鯨著自虞帝以迄南宋

上下數千年詩凡若干首嘉靖己未弟陳茂義序

雲石先生詩集三卷刊本 ○明樵李沈謐著萬歷乙亥吳

郡皇甫汭序

東樂軒詩集六卷刊本 ○皇明管理府事弋陽端惠王醒

齋著翰林院侍講胡經序

滄溟先生集三十二卷刊本 ○明濟南李攀龍于鱗撰

南明紀遊詩集一卷刊本 ○明黃中撰沈宏周復俊繆宗

周葉瑞楊僎童士元俱有和詩李遇元序云柱史西野

黃公按滇之明年東巡至臨安事既竣乃從分守芹溪

沈公兵憲虹泉蔣公之請載遊南明洞天因命名奮藻

次韻賡和者若干篇什郡伯鄧山童侯輩彙集成帙屬

元序而刻之

后谿詩稿一卷刊本 ○明劉世偉著前川毛效直序

東塘集十卷刊本 ○明毛伯溫著童承敘序稱明興作者

接武正德間李何繼倡雅頌復振朝英國秀嗣響有唐

若東塘先生毛公亦其一也公篇翰播流人以爲寶嘉
靖戊辰晉大司馬攝臺長己亥兼攝宮賓奉命征南瀕
行迺哀舊草屬敘校輯敘受而卒業蓋憲章翰林工部
而祖述拾遺者也是可以傳矣唐龍杜栴俱有序王儀
陳一德葉稠後序

菊菴集十二卷

刊本

○明毛伯溫序稱其祖太守公遺稿

偕弟伯淵備錄凡詩與文悉以體類丐友周朝陽校正
付梓

清風亭稿八卷

刊本

○明童士昂著李澄編集劉珣張弼

評俞澤重評慈谿張楷序稱童黃門詩類玉川云陶元

素項麒俱有序張弼跋後

清音閣集十卷

刊本

○明顧大典著并自序張獻翼皇甫

汭周光鎬張鳴鳳王穉登龍宗武周天球俱有序

自適詩集十二卷末附尋樂詩文贈輓一卷

刊本

○明謝

表謝章撰豐熙序稱自適謝先生與其昆尋樂先生皆
號豪吟晚與香雪坡樗軒二王徐梅江章終慕傅藥欄
袁德隣諸英結社以詩共娛初有前後集先生歿後冊
乃逸其曾孫贈御史表庠士章蒐輯斷稿得若干什今
元孫汝儀僉聞臬校刻漳臺附以尋樂殘稿總十三卷
林魁陳璟俱有後序

東里詩集三卷

刊本

○明楊士奇著楊溥序

遊襄陽名山詩一卷

刊本

○明顧聖之撰汪道崑序聖之

吳人字季狂

定軒集十六卷

鈔本

○明黃孔昭撰前五卷皆詩六卷為

唐縣稿七卷為江西湖北稿八卷為鄧州稿九卷為池

州稿以下皆文稿其十六卷則附載御祭文及各官祭

文并誌狀輓章序文暨哀詞等篇

純綺集一卷

刊本

○明張顯翼撰徐縝序稱張子幼于題

其綺歲所作曰純綺集

大谷集二卷

刊本

○明洛陽溫新著王邦瑞序云洛陽大

谷溫子既卒其二子栗甫純甫收所遺詩若干篇鏤本

以傳大谷平生著作不務蓄稿此特其什一耳初予髫

年與大谷同遊郡庠見其天資過人超詣穎悟方攻舉

業卽雅好聲律每情景所觸意到成章往往有驚人語

一時宿儒長者咸推讓之曰溫氏子能詩而大谷才名

遂著洛陽未幾登正德丙子鄉試第二自是累蹶南宮

而篤信之志不衰愈益窮力探討究于上乘迨嘉靖戊

戌舉進士為大行為主事而大谷之詩遂流布京師二

子圖為不朽謂非善繼其志乎大谷為指揮同知嫡子

以登第令其子如玉襲卽栗甫也仲子如璋卽純甫領

己酉鄉薦有弟曰中谷子亦魁鄉舉爲襄陽同知素與
大谷齊名中谷之子曰如春登癸丑進士今爲清豐令
蓋父子兄弟五人而四登科第栗甫雖承祖職亦文雅
能詩

蝸濡集一卷

刊本

○明四明謝瑾著成化十三年會稽魏

瀚序稱蝸濡集前廣西按察使四明謝公庭蘭所著僉
憲俞公汝霖屬序而刻之集以蝸濡名取蘇文忠公咏
蝸腥涎不滿腹聊足以自濡之意蓋公自謙之謂也

舜澤江西詩一卷

刊本

○明濮陽蘇祐撰曾孔化序

泰泉集十卷

刊本

○明黃佐撰薛應旂序佐嶺南人地有

泰泉山因以爲號

柳溪遺稿十卷

刊本

○明錢如畿著男元鼎編并識

雲松詩畧八卷

石城儒學著書亭刊本

○明魏偁著蕭贊摘編序稱

先生號雲松石城儒學所著文幾數百篇詩餘三千首
贛郡節推張公璫行部石城欲召工繡梓先生力辭贊
乃據名人標識其尤者摘鈔一二首多不過三四十首
名曰雲松詩畧持示翰林泰和歐陽鵬加之評點復增
鈔近作得意者二三十首并摘頌操詞賦之類每體二
三首分爲八卷

仲山詩選九卷

刊本

○明王問著殷邦靖校選鄭伯興編

輯嘉靖癸丑潘符序

流憇集二冊

刊本

○明上虞朱朋來著謝讜序云余聞詩

之善者其遠也若杳杳青冥萬仞胡際翔鴻恣翮廓然
雲外其近也若兒童恒語里巷晤談不煩推釋意又了
了其真也若寄身萬里奉詢高堂直陳情臆不事綺裁
其質也若德門淑媛一任天姿粉黛不加素以爲絢其
清也若長空秋霽纖翳不昭皎月流輝澄淵千頃其和
也如上苑東風紅披芳樹啾啾黃鳥對語遲陽其喜也
若適逢嘉會人事愜衷萬舞在庭飲謳競發其淒也若
寥村古墓向夕獨行蕭蕭白楊怨風暗襲其壯也若幽

并健將忿執鈇鉞迅驅出敵萬虜俱靡其妍也若迴逕
幽臺時花數叢依依搖裊掩映蒼翠其快也若古石在
礧礧巖硯矧豹踞鴟蹲瞻目成愕其變也若風行水上
雲浮太虛澎湃輪囷倏忽萬狀今天下以詩名者多矣
執是以擬罕有全能約山氏殆庶幾乎吾舉約山詩一
二言之觀其訪馬武舉云應聞出塞曲莫與雪兒歌其
遠何如其樓上女云期子終啣芳可以慰衷曲其質何
如其訪漁僊云鹿叻神在畫雲臥翠分衣其清何如其
棄婦云如彼風前塵飄泊無停轄其淒何如其東關篇
云一射千山淨腥血萬里遼河清且冽其壯何如其賞

菊云佳趣不嫌春事去清歌還許故人來其變何如餘
可概見故其意緒雋永而音律爽愜不落塵套信吾越
中正聲士也歲多成集余遴其尤者以傳

蘇許公詩集五卷

刊本

○明蘇頌著正德壬申劉紹序

入楚吟一卷

刊本

○明張縉撰自稱乙未之歲判武昌自

是年冬十月抵任至明年丙申冬十一月部糧歸南京
一歲間得五言古律詩若干首七言古律詩若干首六
言絕句若干首長短句若干首成都百潭蔣子題曰南

湖入楚吟

餘冬序錄十三冊

刊本

○明何孟春撰自序稱少而仕宦

俸足自資雖鞅掌王務然未必無三餘之隙而性顧慵
惰比當開卷輒悵然止嘉靖甲申因言事調官南部幹
局稍閒乃理舊稿乙酉冬閏既萃有成帙又明年得養
病歸山林益多長晷明年乃命兒子仲方取舊稿而編
輯之歲亦適丁戊子冬閏夫子之爲學猶是閏爾恍成
六十餘卷以歲陽爲序遂題曰餘冬序錄

浮湘稿四卷

刊本

○顧璘撰蔡羽序

草堂集○明張含序稱子蔡子著

漸齋詩草二卷

刊本

○明趙漢撰許卿相序

豫章旣白詩稿四卷

刊本

○明遂安吳世良編輯

空同詩選四卷 刊本 ○明楊慎選

白石山人詩選二冊 刊本 ○明蔡汝楠著趙維垣識

汝震詩集六卷 刊本 ○明四明山人吳鑽著萬歷甲戌汝

南張九一序曰山人枕四明面葦湖營室斗許覆之以

茅自稱山人幼習博士業治易著得履之初九繇曰幽

人貞吉自是維舟嚴陵灘又登蘇門徘徊久之遂學為

詩詩工已而為畫畫又工云

朱射坡詩選二卷 刊本 ○明沛國朱曰藩著嘉靖乙卯升

菴楊慎序稱維揚朱子射坡以投藻相契近以其池上

編二帙寄評擇其愜心而必傳者七十四首至邛州北

川陸公珍而刻之末有嘉靖丙辰春二癸亭重雕圖印

帆前集一冊 隆慶戊辰朱家舊雨軒刊 ○明勾章沈明臣著雲間馮遷

校朱察卿序沛國朱大英跋云山人固四明人聞賀監

風稱四明狂客又慕兩相如稱沈相如從海上朱邦憲

遊且十年矣邇多遠行行必有集若蒯侯丁艾諸種傳

且久矣今年秋邦憲有茂陵之渴山人聞之千里命駕

方其行集里中社友而別焉有帆前秋草卽天涯之句

真名言也故是行所著稱帆前集維航郡城出以相示

恍如行丹楓白水間今山人落帆春申與邦憲賡倡集

益增鉅獨念歲行盡矣山人一整歸裝吳會白雲山陰

夜雪孰不在山人帆前而我輩與邦憲之懷山人亦與之俱遙矣山人其無忘扁舟之興乎因書帆前集後

蒯緱集二卷

刊本

○明勾章沈明臣著嘉靖丙寅自序曰

馮先生遊齊甚貧只一劍蒯緱余遊吳楚聞粵間王敬美解劍佩我蒼頭用管索穿之懸之車馬前行甚矣余之似馮先生也劍外書一束硯一枚陳元毛穎隨之山川雲物接目興思輒以韻語記之踰時滿橐矣彙而成帙遂以蒯緱題云

崆峒集二十一卷

刊本

○明李夢陽著

匡南詩集四卷

刊本

○明豫章朱拱樾著柳溪余弼選嘉

靖己酉雙羅山人曾可耕序稱匡南以天潢之英好古樂善希河間東平之雅而高文麗藻則騁劉更生陳思王之儔而尚之

旂峰詩十卷

刊本

○明晉安林春澤著泰和陳昌續編廬

陵吳炳校門人棠邑常梓

三軒詩集

刊本

○明左都督總兵雲南定邊武襄伯沐昂

著素軒詩十二卷錦衣副千戶沐僖著敬軒詩四卷右都督總兵雲南沐璘著繼軒詩十二卷裔孫黔國公沐崑重刊嘉靖三年滇撫黃巖王啟序曰沐氏起自昭靖武襄佐太祖太宗繼世上公所謂三軒者則素軒敬軒

繼軒也各有詩行于世頃者故黔國公諱崑重梓未就厥嗣篤菴字世貞始成厥志今襲黔國篤菴又能益武而文予叨撫滇南得與篤菴朝夕聚而獲觀其所爲三軒集者顧不幸與又有燕泉何孟春序武林平統後序白沙先生詩集十卷刊本○明古岡陳獻章公甫著宏治甲子知望江縣事郡人沈濂重刊丙辰門人嘉魚李承箕序曰石翁先生詩曰從前欲洗安排障萬古詩文看日星其本乎曰一笑功名卑管晏六經仁義沛江河其用乎曰時當可出寧須我道不虛行只在人其出處乎先生之詩如此所謂吟咏性情而不累者成都同知吳君獻臣廷舉錄先生詩自成化甲辰至宏治乙卯正月得詩六百八篇刻之而以序屬先生之詩詎待序傳而獻臣好尚之正用心之勤亦可見矣

劉文恭公詩集六卷

刊本

○明少詹事長洲劉鉉著鉉由

京闈鄉解授中書舍人與脩三朝實錄累陞翰林侍講國子祭酒轉少詹事卒于官一統志稱其學行淳篤教人以不欺爲本善古文尤工于詩所著有假菴集六十卷嘉靖己酉元孫畿誌曰高祖文恭公全集曾祖憲副公嘗求序于胡文定公刻閩中原稿掌于憲副後人珍襲之過未之得見乃蒐采數十年僅得是詩三百餘首

體別類聚均爲六卷缺誤頗多因就正于華陽皇甫子而折衷于衡山文太史先以登梓俟獲全集續梓行世其行實載在史志銘傳散見于諸家之所紀錄者合爲一冊以冠諸首俾誦言者得以考德卷首郡人文徵明序延陵吳寬原序卷尾皇甫冲從曾孫鳳從元孫璞後序

嘉靖集八卷

刊本

○明關中太微山人張治道著門生中

南李汝蘭校西陂劉儲秀序稱嘉靖辛卯太微詩集若干卷廵撫劉松石命工刊對山康翰林稱其上薄風騷下追漢魏越庚子郡伯魏少穎續刻後集檢討王漢陂

序俱傳海內矣今歲壬子方伯孔文谷又索其近作入梓卷首文谷孔天允海虞張鐸并太微自序卷首附說詩論一首

張太微詩集十二卷後集四卷

刊本

○明刑部主事關中

張治道著前十二卷康海序後四卷王九思序又有西陂劉儲秀合刻總序冠首

缶鳴集十二卷

刊本

○明戶部侍郎姑蘇高啟著後學周

立重編洪武三年吳郡謝徽序曰季廸詩甚多有吹臺集缶鳴集江館集鳳臺集凡詩幾二千首今年冬季廸取舊所集詩益加刪改彙萃爲一總題曰缶鳴集自樂

缶鳴集

府歌行而下至五七諸體得詩九百餘首皆其精選然特以今年庚戌冬而止及後有作當別自爲集

白洲詩集三卷

刊本

○明右都御史豫章李士賓著

西菴詩集十卷

刊本卷首有天一閣古司馬氏二圖章

○明翰林典籍南海

孫蕡著洪治十六年吳郡張習校并序稱先生字仲衍

西菴其別號廣東南海人官翰林典籍奉使秦晉楚蜀

之境改經歷左遷魯之平原簿後又戍遼陽以終未有

崑山顧恂跋

沈石田詩稿三卷

刊本

○明長洲布衣沈周著宏治壬戌

蘇撫安城彭禮彥命有司刪訂其詩付梓

東岱山房詩錄○明尙寶少卿濮陽李先芳著自序稱與

郢中高伯宗潭陽馬應圖廬陵宋望之江陵張叔大吳

下王元美皆海內大家相品隲之世本魯人卜家岱宗

之西山房在焉因以名其詩云又同郡蘇祐序其擬古

樂府

李古廉詩集十一卷

刊本

○明國子祭酒安成李時敏著

景泰七年門生吳節四明姚堂刊弋陽李奎序

白雪樓詩集十二卷

刊本

○明歷下李攀龍著于鱗歸閩

中結樓鮑山鮑山故管鮑論交地也楚人魏裳以尊酒

過從和歌樓上乃名樓曰白雪并索其全集以序同其

門人汪時元刻之歷城李邦才序尾附王世貞贈時元詩二章並新都汪時元識

禹山律選一卷 刊本 ○明滇中張含著蜀楊慎評選滇中

邵惟中吳華雲校

楊升菴詩五卷 ○明蜀人楊慎著書用六行字俱行草

南中集七卷 絲紙刊本卷首有司馬東明萬古同心之學二圖章 ○明蜀人楊慎著

皆謫居滇南所作少媚譚某重刊嘉靖二十四年河汾

孔天允序原刻有薛蕙王廷表張含三序仍之

南中續集四卷 絲紙刊本全用行書 ○同上嘉靖庚戌永昌張含序

又遁菴王廷表序

鄭少白詩集五卷 刊本 ○明閩中鄭允璋著嘉靖甲午楚

朱廷立曾燧錢塘楊祐蔴城毛鳳韶序前蜀湯紹恩滇

劉綸同郡柯榮仁書後

東滙詩集十卷 刊本 ○明通政武林呂希周著嘉靖丙寅

男中書舍人端甫編門人太保東湖陸炳禮科給事陳

邦脩校吏部侍郎汝湖謝丕序

太白山人漫稿二卷 刊本 ○明關西孫太復著正德戊寅

晉安鄭善夫序

元湖春詠集二卷 刊本 ○明汝南劉繪著嘉靖三十七年

戊午門人方顯後序

樊氏集六卷

刊本

○明信陽樊鵬著汾陽孔天允刻卷一

信陽集卷二安州集卷三北都集卷四中都集卷五南

都集卷六關中集統名之曰樊氏集嘉靖十五年丙申

許西康海序

義谿世稿十二卷明閩人知定海縣事陳朝錠哀集其

祖父四世之作正德庚辰莆陽黃鞏序稱其友李貞夫

為選其尤精者得若干首總為一編命以是名

復初山人和陶詩○明謝承祐著嘉靖壬寅門人詔安盧

彥序

施璉川詩集八卷

刊本

○明吳興施峻著吳人俞策書楚

人溫厚刻刑部尚書長興顧應祥序嘉靖丙辰華亭徐

獻忠上黨李敏德武進揚鐸序卷末烏程張永明書後

桂洲集二十四卷

刊本

○明大學士貴溪夏言撰杭州通

判羅尙監刻河南監察御史江陵曹某序首山東監察

御史華陰陽九澤序稱公奏議文章母慮數百卷閩人

袁子達摘其古律二體若干篇請公梓之公授錢塘田

汝成為之分門條次使讀者因類而求之題曰桂洲詩

集者從公別號也

子威先生浚思集十六卷

刊本

○明長州劉鳳子威著卷

首自序

王巖潭詩集八卷 刊本 ○明涇川王廷幹著嘉靖乙卯曾

廸跋

湖湘初集一冊 刊本 ○明四明管大勳著萬歷癸未祝完

序稱慕翁管公自翰林給事舍人歷郡守督學所在著作膾炙人口如釗溪漫語等帙皆揚芳摛藻冲澁和平海內士罔不歛衽避席今奉璽書巡省湖南兼董學政甫及三載每歲一週凡旌節之往來道里之經宿隨所感觸形之歌咏遂成篇帙題曰湖湘初集集凡若干言漣漪亭稿十卷 刊本 ○明古瀛樊深著方塘子鍾鑑序稱西田樊公瀛人也自燕至吳僅二載凡山川風土人情

物態有感于心無不發于詩積之既久乃自書其篇曰漣漪亭稿蓋漣漪亭者公之別舍扁題也

南北二鳴編六卷 刊本 ○明李攀龍王世貞著張獻翼校刻并序云夫北有李君鳳鳴于歷下南有王君龍躍于吳中並有奇節干載人也予少授書中郎投刺北海憶昔長者之遊隆以國士之顧王君為舉首王君每為予談天下士必曰李君其人雙金合璧猗歟盛哉七子中如吳邵武徐汝寧爭為二君不朽計皆各自成帙未萃一時唱和之美予輒銓次為一非徒便眎同好且以並傳異代寧特延平合劍而已哉

西檀集一冊○明楊某撰伍偉序稱二檀楊先生以嘉靖丙戌冬奉命督木西川自出朝以歷吳越荆楚上下三巴之地每有所感輒發諸聲詩曰夙夜匪懈所以事乎其君也公曰恩私何以報公之忠猶山甫也詩曰說于桑田所以憂乎其民也公曰停車問農事公之仁猶文公也菁莪有詩客至有咏其情同也卷阿有雅釣臺有懷其趣一也噫公其深于詩者哉

還山詩一卷

刊本

○明安定皇甫

撰弟皇甫汈序

西署集四卷

刊本

○明歐大任撰吳郡王世懋序云歐先生楨伯嶺南人嶺南故多嫻于文辭而歐先生爲最爲

文學掌故故事歷郡國卽止不復遷歐先生所歷皆上考遂破選入格爲國學掌故居久之將選入中祕弗果已遂遷爲廷尉平所成帙若浮淮諸集絃誦海內而及是則稱西署云廷尉署與比部鱗比而西故皆得稱西署萬歷癸未安陸劉紹恤有序

薛詩拾遺一卷

藍絲闌鈔本

○明西原薛蕙著河汾孔天允序

云薛先生自考功郎中請告閉戶著書垂十九載而亡然其道極底于元故其書多微言精義時人莫能測也先生亦罕出示人故旣歿而其書罕傳今所傳者裁老子集解約言及考功集而已予往在大梁使人弔先生

於墓求書其家不得遺詩若干於朱灌甫所至泐多
暇刻存往懿謂之拾遺

東岱山房詩錄二卷

刊本

○明濮陽李先芳著自序稱古

樂府之不講久矣余非知音者但自家食時頗事漢魏
張本下逮六朝盛唐數子或假題命意或探旨屬詞諸
凡口不容言情不自達托以寫之非故剽擬前人聊用
適志耳矣近代名公取古人行事註議糾韻類成斷案
亦名樂府余極知不能乃所願姑舍是焉同郡蘇祐萬
安朱衡均有序

西征集二卷

刊本

○明王世美著西蜀王三錫校盧整序

王文安公詩集五卷文集六卷

刊本

○明王英撰男祐編

集成化元年安成吳節序

候蟲鳴一卷

刊本

○明石谿嚴怡著鶴田蔡圻選嘉靖戊

戌二月自序

石陽山人病詩一卷

刊本

○明政和令陳德文撰嘉靖十

八年自序云己亥夏仲居冒暑寒蒸汗屏邪既乃為瘧
乾坤病榻四無侶鄰仰思元化運行頰觀品彙生遂惟
此骨肉塊然不飛彼四大形骸蜉蝣蚤暮不能出神離
智飄舉于寰區顧迺懷祿殉名糾纏乎章綬百年之內
所獲幾何七尺之軀為勞滋甚嗟夫故每居閒抱疾節

慨追懽遜想往今輒成于邑秫田甫刈三徑之松竹猶
存梓里未遙二仲之風流可想薄陳古韻漫寫幽情時
一嘯歌愴焉興感蓋待秋風鱸膾而賦歸去來矣恐草
堂勒遺逋客增愧預梨此冊投之北山使孔德璋輩見
之殆一解顏而海鹽縣合亦亡譏君子也嘉靖庚子二
月門人張杞重刊之觀北山中并序其後

兩溪詩集四卷 刊本 ○明安城劉球撰子鉞鈇類編同邑
吳節序

艱征集一卷 藍絲闌鈔本 ○明張含著楊慎跋云昔盧子諒傳
長虞咸製艱征賦予讀而慨之傷二子之不遇也乃茲

禺山張子愈光固今之子諒長虞也文章既同因躡過
之丙申歲冬北上紀行取二子賦名名其詩集予讀之
而重慨焉嘉靖丁酉湯世賢序

東墅詩集二卷 刊本 ○明周述著男錞編陳璉序云公名
述字崇述別號東墅與從弟孟簡同登永樂甲申進士
第大宗文皇帝御批其廷試策云文足以達義詞足以
達理兄弟齊名今古罕比罔俾二蘇專美前世與孟簡
同入翰林俱爲編脩縉紳榮之大駕巡狩北京時仁宗
爲東宮監國選公輔之後隨侍至北京陞左春坊左諭
德兼翰林院侍讀階奉政大夫脩正庶尹脩國史賜誥

褒崇及乎親東宮卽位入侍經筵進講有以感動淵衷
賞賜優渥寵眷益隆爰白擢科久居侍從經事四朝受
知列聖在廷諸公莫不推重所作歌詩衆體畢備其詞
醇而雅其聲和而平非刻意雕琢以爲奇者比豕鬲錚
由國子生今爲廣州府通判取公平昔所作編鉅帙以
公別號名之曰東墅詩集求予爲序遂書此于首簡云
蚓竅集五卷 刊本 ○明管時敏撰洪武三十一年吳勤序
云雲間管公字時敏竹間其別號也蚤歲讀書三泖之
上師事廉夫楊先生爲高弟壯年仕爲楚府紀善其詩
風格高古五言樂府有漢魏體五七言律詩多出盛唐
晚年由紀善陞秩長史其忠誠愛國之心一于詩歌發
之集中詩凡數百篇嘗名其集曰蚓竅蓋取韓子石鼎
聯句之語而名之公之謙德也

和唐詩正音二十八卷 刊本 ○明張楷撰建安楊榮序

天目山齋歲編二十四卷 刊本 ○明柳州張紳序稱霽寰

吳公讀書天目山日所吟咏唱和諸作

屠長卿集八卷 刊本 ○明屠隆撰并序

山藏集六卷 刊本 ○明大梁李士允著南郡曹忭序稱士

允學詩于空同先生空同嘗語人曰繼吾名者此子也
有五子詠其咏空同詩曰英聲滿人寰俗調非所諧其

至治堂集詠詩曰吹萬本物情得一會神理嗚呼深哉
陸子野集○明三浦陸郊著溟池張文柱編隆慶辛未吳
郡周復俊序云雲間馮子潛以詩邀吳粵間跡予子野
陸先生詩思擬刻之未果也庚午季冬先生元允伯生
不遠百里惠顧于婁上出先生全集比子潛所授僅增
數篇且授簡屬序以傳伯生乃稱曰人子論譔先烈非
故欲以少爲貴也吾父治命爾他時刻吾詩毋得恩我
我見唐世名家惟二三十篇止矣而流傳亡窮多無益
也比屬續時呼伯生歌王摩詰詩賞嘆不置語無他及
意必有冥契者焉

鈴山堂詩選七卷

刊本

○明嘉靖壬辰大庾劉節序云鈴

山堂何宗伯嚴公里居也集何公製也錄公製表公里
居何重公也

浮槎稿十二卷

刊本

○明潘滋著黃廷言跋周思兼序

虎泉詩選四卷

刊本

○明施經撰豐坊序稱虎泉子以昭

信校尉舉武魁爲人廉恪愷弟孝于母友于弟輯和其
媼旅禮上弗阿待下以恩信樂與賢士遊表裏瑩豁終
始弗渝當無事時與吾輩談經推文敏悟洞詣爲詩慕
騷雅漢魏晉唐名家得其體裁其書亦有晉唐之法以
是縉紳之士翕然稱之每立戰功輒辭賞薦有魯連子

之風其詩南宮生顧思叔爲銓定參戎晏以吾刻之屬予爲序

田間次集一卷 刊本 ○明濟南劉天民撰姑蘇顧璘序

山齋吟稿三卷 刊本 ○明鄭岳撰師山馬明衡序云如川

鄭君泓手錄其尊府山齋公詩百八十餘篇蓋二山石莊所評選者公著述甚富其文別自有集詩亦有全集云

鳴盛集四卷 刊本 ○明林鴻著洪武庚申廬陵劉嵩序稱

林員外子羽詩始窺陳拾遺之闡奧而駸駸乎開元之盛風若殷磻所論神來氣來情來者莫不兼備雖其天資卓絕心會神融然亦國家氣運之盛馴致然也謹題其集曰鳴盛爲之序云倪桓邵銅均有序

北屏詩稿二卷 刊本 ○明傅某撰

竹坡吟嘯集三卷附錄題贈一卷 刊本 ○明方珙撰李勝

校刊宏治十二年男純識云先考竹坡府君有吟嘯集三卷嘗授從兄寅曰且慎藏之以畀吾兒先考歿逾五載兄盡付不肖并致所授之命純拜捧手澤且讀且悲芴徵較閱請序于少司寇曾公時升太尹曾君碩卿向以家務倥偬未獲鋟梓又二十年純叨荷恩命官拜麻陽得伸愚志復請序于大司成羅先生明仲始謀就工

以今年四月乙巳之吉仍模先君像贊銘文輓章附錄
名公題贈哀輓詩詞粹次梓刻其托不朽泰和羅璟曾
翬曾琮俱有序

汀西詩集六卷

刊本

○明趙珏著嘉靖戊戌陸粲序云長
洲趙氏自故雲居翁以醫名至是五世矣今汀西隱君
益能紹其家學出爲人眊疾往往著奇效三吳之人造
其廬而請者日相屬焉然隱君不屑以方術自命獨刻
意爲詩累至數十百篇卒與其醫名並傳而不相掩也
頃手自哀錄爲一集屬其弟前昌樂令振之以視予予
受而讀之竊愛其清婉和平有自得之趣曰是亦足以

傳矣隱君名珏字明璧汀西蓋所自號集因以名凡若
干卷

白石詩稿六卷

刊本

○明林魁著孫裕等校刊

三山集四卷

刊本

○明顧大典著陳維府跋云吳越燕薊
之間山川風物之勝古今賦者多矣其最稱善者燕則
靖節之于荆軻吳則太白之于鳳臺越則元稹之于州
宅自三子者著在篇籍傑然增南北之勝有能繼其響
而匹之者乎先生產于吳釋褐於燕宦遊于吾越所至
眺臨讌適輒抽毫投藻故有家山燕山稽山詩名曰三
山集句餘詩社愛而刻之先生授府校俾綴言于末簡

先生既工詩兼善書繪稱三絕薦紳先生曰今之鄭虔云陳壇等有序跋

逸窩詩集七卷

刊本

○明彭孔堅著宏治丁巳自序

有本亭集八卷

刊本

○明梁佐著李仲僕序云滇南心泉

梁公奉命整敕滇南憲節按部感懷咏物有詩數章僉辱屬吏未得受而讀焉于山行述事見憂世軫民之仁於郵亭咏果見明發懷思之孝於聞報識喜見愛君體國之心於揚明功德見景行思齊之義渢渢乎其中聲矣夫豈雕刻綺麗而侈諸聲歌者哉因而請益公遂出有本亭集若詩賦歌行凡八卷請梓既專始獲首肯刻

成遂謹識之

王南郭詩集五卷

刊本

○明王存敬著林俊序云成化間

刑部屬稱小翰林王南郭存敬自起進士宰溧陽由郎署出守吾莆詩才吏治並稱卓絕公族人僉憲朝器梓其粹以行方石菴爲題其畧予披讀已書語其子進士坊

西元詩集一卷

刊本

○明馬汝驥撰胡纘序

韓汝慶詩集四卷附錄墓志一卷五泉傳一卷

刊本

○明

韓邦靖撰康海序云汝慶諱邦靖朝邑人也與其兄汝節同舉正德戊辰進士予與鄆杜王敬夫納交焉後十

天

一

集部

卷

餘年汝慶以山西參議卒于家汝節彙其詩文若干卷
藏之家笥予恐讀是集者愛其詞而不逆其志徒以區
區詞章之末視汝慶故以是序諸篇屬臨潼趙伯氏刻
而傳焉卷末檇杜王九思撰墓誌嘉靖七年兄邦彥邦
奇傳序康對山撰傳王九思贊海東荀汝安跋後

韓五泉先生集○同上此部係重刊前有涓南劉鳳池序
後有嘉靖庚子石遷高歸德朱家相識

秉燭堂詩選二冊刊本○明陳所有著陳文燭序云余友
費民益謂陳彥充善晉人書及讀抑歌詩選淘沙文選
乃門人荆學憲擇而取之十本一二可稱三長云彥充

有高才令命滿仕宦不達輒投劾以歸一日遣才秀才
嘉燕謁予謂予神交俾訂序焉彥充名所有號四樓逸
叟家壺公山下

姑蘇雜詠一冊刊本○明高啟著洪武四年自序云吳爲
古名都其山水人物之勝見於劉白皮陸諸公之所賦
者衆矣余爲郡人暇日蒐奇訪異於荒墟遠谷之中雖
行躅殆盡而紀詠之作多所闕焉及歸自京師屏居松
江之渚閉門獨坐無以自遣偶得郡志閱之觀其所載
山川臺榭園池祠墓之處余向嘗得於烟雲草莽之間
爲之躊躇而瞻眺皆歷歷在目因其地想其人采其盛

衰興廢之故不能無所感焉遂采其著者各賦詩詠之
不忍棄去萃次成帙名曰姑蘇雜詠今古諸體凡一百
二十二篇云殷韜校刊

撫上郡集一卷

刊本

○明周金撰自序云嘉靖元祀冬十

有二月余奉命撫延綏越明年春三月始至任又七閱
月而西巡是為秋九月七日也陟歷城堡二十有一為
日三十有五而得詩之數如之山川險阻烽火震驚霜
雪馮陵之苦悉于是乎見匪直遣客抱耳既歸書之并
錄所嘗取作用紀歲月詞之工拙固弗計也

南覽集一卷

刊本

○明嘉靖乙未門生趙維序稱東洲夫

子以己丑歲載視楚學出所製南覽錄見示因錄而刻
之

恒軒集

刊本

○明山陰韓經本常著男韓陽編次廬陵楊

士奇序

吳興絕唱二卷續集二卷

刊本

○明邱吉大祐編并序

紀恩詩集七卷

刊本

○明宏治壬戌興王純一道人撰并

序嘉靖五年御製序

清時行樂一卷

刊本

○明劉效祖撰并引云萬歷壬午我

皇上御極十載矣九宇豐裕四塞謐寧都人謂茲太平
之像百年僅見我皇上達孝尊親乃遵故事于西內起

鰲山以奉兩宮聖母權效祖不佞竊伏林野翹望宮牆
雖未知其嘉樂之詳而耳所接聞心所億度恭撰俚言
二十絕題曰清時行樂鏤之以布遠邇於戲華封有祝
康衢有謠皆古人愛國忠君情不容已竊于斯二者願
學步焉

西湖遊咏一卷

刊本

○明黃魯曾田汝成同撰

耀仙詩譜一冊

刊本

○明 藩涵虛子著

題贈錄十六卷既白詩集五卷○明江藩編前十六卷皆
諸臣題贈之作後五卷則既白自製詩也

空同精華集三卷又兩冊

刊本

○明北郡李夢陽著嘉靖

甲寅考功司豐坊編并引沈明臣序云是集得之李賓
父生寅屠田叔本峻刻以傳又有嘉靖倪珣亦有序略

空同集二十一卷

刊本卷首有天一閣
古司馬氏二圖章

○明李夢陽撰

豐對樓詩選四十卷

刊本

○明甬上沈明臣撰從子沈九

疇選

喙鳴詩集十八卷

刊本

○明四明沈一貫撰

宋學士集十卷

刊本

○明洪武庚戌揭傒法序云余聞景濂

之名蓋二十年矣近始會于金陵挹其光儀聆其論說
已有以慰夫平昔向慕之心及觀其潛溪新集浩乎其
博淵乎其深蔚乎其色鏗乎其聲讀之累日不知神之

駭而心之醉也然此特應制代言紀功銘德之作若平日所著則有前後續別四集已盛行于世及流傳于海外學者又當兼取而博習之可也

秀林亭詩一卷刊本 ○臨清處士王廷璧家園倡和詩明成化臨清劉濼輯錄蜀人周洪謨序

溫泉詩一首高曉十二景詩十二首刊本 ○明成都楊慎著

岳遊漫稿一卷刊本 ○明吳郡皇甫汙子循氏撰并序

呂季子甬東雜詠一卷刊本 ○明萬歷姚江呂兌著并序
同邑邵陞亦有序

陽羨諸遊藁一卷刊本 ○明王世貞撰張獻翼題詞

湖山倡和二卷刊本 ○明正德會稽雪湖馮蘭木齊謝遷撰并序

越吟一卷刊本 ○明萬歷鄞人包大炯著并識

金子有集一卷刊本 ○明嘉靖江寧金大章著同里陳風許穀均有序何世守校刊并識云子有金陵聞人也未遇而卒人共惜之同鄉與槐玉泉石城三先生刻其遺詩百篇守得而詠泐焉不忍釋卷乃命工重刻用廣其傳

升菴南中集五卷刊本卷首有四 ○明李夢陽著升菴楊

慎批選

鄭少谷詩十三卷附錄一卷刊本 ○明閩人鄭善夫撰楚

汪文盛編

鈐山堂詩鈔二卷刊本 ○明嚴嵩撰趙文華序

貝葉齋稿四卷刊本 ○明盱眙李言恭著吳郡王世懋序

高太史大全集十八卷刊本 ○明高啟季迪著徐庸編洪

武庚戌王禕序云高季迪詩十八卷凡為樂府五七言

近古體九百三十七首季迪吳中人名啟季迪字也頃

承詔與余同脩元史尋入內府教習子授翰林國史編

脩

古直存稿一卷刊本 ○明王佐撰謝鐸序云內閣大學士

西涯李公舊為作古直傳所存詩得六十三首與諸公

倡和贈答者又四十九首類而錄之為四卷福建參政

龐元化取而刻之

西清閣詩草一卷刊本 ○明鄞人楊承鯤撰

素軒吟稿十一卷刊本 ○明太監傅倫著嘉靖五年郭維

藩序

玩鹿亭稿二卷刊本 ○明萬表著

龍石詩集八卷文集六卷刊本 ○明聊城許成名著嘉靖

癸亥蘇祐序云聊城龍石許公歿且一紀詩文未傳于

世公季子鷗余子婿也于兄弟子姓處搜羅延訪通得詩文若干首公少有雋逸才稱郡中壯歲舉進士出身第一讀中祕書歷春坊學士司成以至宗伯蓋終其身竹素園中過目朗誦援筆立就宜綴累陳編蹈襲夙軌廼今觀諸撰述清新俊逸健拔謹嚴如芙蓉浸江晴霞散綺又如武庫振刷隊仗森整何其幽秀端凝若是耶殆所謂漸近自然者矣公染翰初學右將軍後沈酣松雪而小變之飛動雄偉今光嶽樓及北城園石刻甚爲時髦鑒賞獨恨瑋製未能盡收然已足以陋管絃而嘯鸞鳳矣

李山人詩集○鄞縣李寅賓父著萬歷壬午西蜀濟寰楊芳序稱賓父爲詩義取適志總歸自然使人諷之必盡其致而不詭于性情蓋望而知其爲隱淪之士風雅之宗矣賓父兄有孝行太僕亦高士與余善余故知其厓畧且得序其詩如此又有桃花客卿屠隆序

白齋先生詩集○明四明張琦君玉著玉峯朱嶽編次批點正德癸酉莆田林俊序末又有自跋

薛西原集二卷○明嘉靖十四年秦中李宗樞序

四溟全集七卷○明謝榛著

四溟詩集一冊○同上并序

道山集六卷 刊本 ○明鄭棠撰

黃葉村莊詩集五卷 刊本 ○國朝吳之振撰

畱餘堂詩一卷 刊本 ○國朝陳宗禹著

竹垞文類二十六卷 刊本 ○國朝朱彝尊撰

笠翁一家言四冊 刊本 ○國朝李漁撰康熙戊午丁澎序

志壑堂集十二卷 刊本 ○國朝唐夢賚撰康熙二十年方

孝標李呈祥葛世振姜宸英俱有序

杲堂詩鈔六卷 刊本 ○國朝甬上李鄴嗣撰康熙戊午徐

鳳垣序

清引亭稿一冊 刊本 ○國朝徐發撰宋德宜序

柳州倡和詩 鈔本 ○國朝周珽高振藻編

寓樓七言絕句一百首 ○國朝會稽董肇勳著

南山集一卷 刊本 ○國朝李微京六十壽詩

憶梅吟三十首 ○國朝南園陳善幼木父著同里余懷序

自課堂文集一卷詩集一卷 刊本 ○國朝武鄉程康莊崑

崙著古夔李長祥無錫黃傳祖新城王士祺黃岡杜濬

同選康熙五年合肥龔鼎孳序云武鄉程崑崙大司空

孫也司空先代名臣崑崙為其佳子弟少年時蜚聲京

雒頽頽上流其古文辭蒼深崛奧直挾柳州介甫之神

詩歌堅古深樸上逼浣花翁詩餘琢字鍊句周秦章陸

遂兼其勝舟次廣陵夜讀崑崙全集倚檣題數語寄之
已未新咏一卷 刊本 ○國朝吳三錫著康熙十八年王庭
序

崖舫詩一卷 刊本 ○國朝汪舟著程守序

元覽堂詩鈔四卷 刊本 ○雲間潘恩子仁著

青城山人詩集一冊 刊本 ○吳門王汝玉撰

荆溪倡和一卷 刊本 ○崑山俞允文次

江門別言一卷 刊本 ○玉山程應魁序云豫章諸君贈友

之作匡南公哀而付梓至癸酉秋別余入楚者亦并刻
焉

東巡雜詠一卷 刊本 ○銅梁張佳允著

王彭衙詩稿一冊 鈔本 ○其集始戊寅終丙戌

藏春詩集一冊 刊本 ○商榘撰馬偉校至元丁亥閻復序

介立詩六卷 刊本 ○不著撰人名氏

李江才詩集三卷 藍絲闌鈔本 ○李洞著

靜安八詠一卷 ○吳興錢喬述

袁文榮公詩集八卷

千里面談一卷 ○不著撰人名氏

文谷漁嬉稿一卷 刊本 ○不著撰人名氏

文谷漁嬉稿二卷 刊本 ○甲子乙丑兩集

羅山詩稿三卷○不著撰人名氏

北屏詩稿二卷刊本○不著撰人名氏

無名詩稿一卷○不著撰人名氏

釋氏古詩一冊鈔本○前後無序跋卷面一長圖書刻吳

郡西崦朱淑英書畫印十字一大方圖書刻楊氏家藏

四字一中方圖書刻曹許衣冠四字卷末一小長圖書

刻西崦二字一方圖書刻山窩林界四字又小行書沛

國朱曰藩借錄一過下有小圖書二方

山曉和尚嘯堂集二卷○不著撰人名氏

徙倚軒詩集一卷○不著撰人名氏門生任近臣校梓

趙太史詩鈔二卷○不著撰人名氏

芝山梅約倡和詩一冊○不著撰人名氏

新刻古杭雜記詩集四卷○不著撰人名氏

班孟堅集一冊絲紙藍絲闌鈔本○後漢班固撰

蔡中郎集六卷○漢蔡邕撰明無錫俞憲成校訂任城楊

賢校刊

曹子建集十卷刊本○魏曹植撰明吳郡徐伯虬刊序稱

集中五言詩及賦表等作是為建安之冠按景初中植

著凡百餘篇隋為三十卷今卷止十詩文反溢而近二

百篇郭子萬程雅好是集遂姑存之刊布以傳焉

張平子集一冊

陶靖節集十卷附錄四首刊本 ○晉陶潛著明嘉靖丙午

武進蔣孝跋曰彭澤柴桑栗里皆屬九江始先生出處大節浮沉茲土者凡若干年昔人論取善當尙友千古况居先生之鄉哉孝視權潯陽嘗攷求先生靖節集渢渢乎上規騷雅則宛然見先生焉先生之學已得其大如形神影贈答諸篇皆聖門性與天道微旨漢魏文章之士不逮也士有尙友之志而居先生之鄉誦其詩讀其書以知其人斯集之新可但已乎集共十卷諸體各為一類

陶集十卷刊本 ○晉陶潛撰卷首載梁昭明太子著淵明

傳暨各家總論

嵇中散文集十卷刊本 ○晉嵇康撰

昭明太子集五卷朱絲闌鈔本 ○卷首載梁簡文帝劉孝綽序

并簡文帝上昭明太子別傳等表蕭子範求撰昭明太

子集序明成都楊慎周滿東吳周復俊皇甫汈校刊

庾開府集六卷刊本有吳下馬相陸宗華寫刻圖章 ○梁庾信著信字子山

南陽新野人父肩吾為梁太子中庶子管書記信為鈔

撰父子在東宮與東海徐陵才並綺艷故世號為徐庾

體沛國朱曰藩序稱予家故有鈔本庾信詩二卷卷次

無序字畫舛脫因取是本校讐本內諸樂章則考之隋書音樂志郭茂倩樂府詩集等書五七言諸詩則考之藝文類聚初學記文苑英華等書凡增入詩十二首非信詩刪去二首釐爲六卷取後周書信本傳置諸首題曰庾開府詩集按隋唐藝文志載信集二十卷文獻通考陳氏則曰信在陽都有集四十卷及江陵又有三卷皆兵火不存今集止入魏以來所作乃知子家所有直魏以後詩耳姑校讐如此

陰常侍集一卷何水部集三卷刊本 ○梁陰鏗何遜撰陰集載小傳一篇何集載南史傳一篇吳郡韓椿繕寫後

有黃伯思跋

陶隱居集二卷刊本 ○梁陶宏景撰隴西傅霄編潁川陳桷校江總序

陶貞白先生文集二卷刊本 ○梁陶宏景著江夏黃注序云曩予寓吳興得鈔本陶宏景集一卷卷次無序且篇章殘脫字畫譌謬蓋姑蘇五嶽山人黃省曾氏所編輯者山人博綜羣籍力追古雅是編或出其手而未詳訂云辛亥春學耕于邑西郊之懷穀山莊偶憶宏景尋山誌取是本觀焉因爲之校讐本內論書啟解官表及梁武帝往覆詔答則考之南史藝文志文獻通考等書其

餘詩文序傳碑碣諸篇則考之藝文類聚初學記文苑英華等書凡增入文二篇鼠補字二百五十有奇其不可考者姑仍其舊釐爲二卷可繕寫取梁史宏景本傳置諸首題曰陶貞白集質友人九河俞子三校之復增入梁元帝碑文沈約與宏景書二篇付贛郡蕭氏刻梓按梁史載宏景所著學苑百卷孝經論語集註帝代年歷本草集註効驗方肘後百一方古今州郡記圖像集要及玉匱記七曜新舊術疏占候合丹法式皆秘密而不傳今集止有本草序肘後方序餘皆不可見恐人間尙有藏者姑校其所見如此宏景茂陵人圓通謙謹雖位望隆重而方外之志終身不忘是故其言有足取者又有答武帝問山中何所有嶺上多白雲只可自怡悅不堪持贈君題壁云夷甫任散誕平叔坐論空皆可取

楊盈川集十卷附錄一卷

刊本

○唐華陰楊炯撰明龍游

童珮子鳴詮次序云唐盈川令贈著作郎華陰楊炯有詩文二十卷世遠遺逸流傳者僅詩一卷余竊生侯州民之後每見侯文章于他書輒自手錄凡得若干篇久之恐復散漫因爲詮次成帙仍其舊題曰楊盈川集云因請郡守高淳韓公刻之以行今集十卷本傳雜文別爲一卷

駱丞集二卷

刊本

○明駱賓王撰

唐丞相曲江張先生文集二十卷

刊本

○唐張九齡撰明

成化九年邱濬序稱童稚時嘗得韶郡所刻金鑑錄讀之灼知其偽有志求公全集自來京師游太學入官翰林每遇藏書家輒訪求之竟不可得蓋餘二十年矣歲己丑始得公曲江集于館閣羣書中手自鈔錄太守毘陵蘇君鞞同知甫田方君新謂公此集乃韶之文獻請畱刻郡齋是以不揣愚陋頃首僭書

高常侍集十卷

刊本

○唐高適撰

宋之問集二卷

刊本

陸魯望文集八卷

朱絲關鈔本

○唐陸龜蒙撰元符庚辰邨人

樊開序稱龜蒙字魯望三吳人所著有吳興實錄四十卷松陵集十卷笠澤叢書八十餘篇自謂江湖散人號天隨子甫里先生贈左補闕本朝宋景文公重脩唐書仍列于隱逸傳今蜀中惟松陵集盛行笠澤叢書未有是書家藏久矣愚謂貯之篋笥以私一人之觀覽不若鏤版而傳諸好事庶斯文之不墜而魯望之名復振亦儒者之用心也

羅昭諫集十卷

棉紙烏絲關鈔本

○唐羅隱撰司馬公題籤卷面

有天一閣圖章

韓文四十卷柳文四十五卷刊本○明新會莫如重校嘉

靖丙辰王材序云韓文刻本既多舛誤勢出晦菴朱先

生又特著為考異力加是正而柳文後有誤者則沈氏

晦為校定焉今聞吳二本皆循朱宋所校惜其又不能

無誤也寧國本前侍御可齋游君所刻茲二十年矣讐

覈頗精稱善本摹行既廣輒已劇昧沙濱莫君由翰林

為御史出按南幾寧國朱守自充以為言乃重加校正

用不墜前蹟云原本韓文係門人李漢編柳文係劉禹

錫編均載原序

柳文四十五卷內外集二卷刊本○唐劉禹錫編次并序

柳文四十二卷刊本○唐柳宗元撰劉禹錫編童宗說音

註

劉賓客文集三十卷絲紙藍絲○唐劉禹錫撰

浣花集十卷藍絲○唐韋莊著朱承爵記云韋莊字端

己見素之孫唐昭宗乾寧元年進士授校書郎王建開

偽蜀莊時在華州駕前遷起居舍人後為蜀相卒所著

有浣花集其弟藹嘗為作序今不存故缺之既刻其集

又考得遺詩二篇附後作補遺云

李文饒文集二十卷別集十卷外集四卷刊本○唐衛國

公贊皇李德裕著文集二十卷署曰會昌一品制集鄭

亞序外集四卷自署為窮愁志宋紹興己卯建安邵某
守表州合刻之序其後

沈下賢文集十二卷

絲紙藍絲
關鈔本

○唐沈亞之撰卷首有序

一篇不著姓名其序稱亞之吳興人元和十年登進士
第歷辟藩府嘗游韓愈門李賀許其工為情語有窈窕
之思其後杜牧李商隱俱有擬沈下賢詩則當時聲稱
甚盛而存於今者既不盡世之所有復舛錯訛謬脫文
漏句十二三頃得善本再加校覆皆得其正惜其藏於
篋笥不得與好學之士共其玩繹因命工刻鏤以廣其
傳

呂衡州文集十卷

絲紙烏絲
關鈔本

○唐呂溫撰劉禹錫序

行周文集十卷

刊本

○唐歐陽詹著序缺

李元賓文集三卷附錄唐詩紀事所載詩三首

藍絲關
鈔本 ○

唐隴西李觀著韓愈撰墓誌大順元年陸希聲序明嘉
靖壬子嘉興周元字重校序

顏魯公文集十五卷

刊本

○明錫山安國刊嘉靖癸未楊

一清序稱公之文初輯于宋人沈氏劉原父序之劉元
剛氏又續為蒐輯刻之以傳今版不存學者罕得而見
散見于金石者千百之一二耳近錫山安國民泰得傳
錄舊本乃重梓之

莆陽黃御史集四冊鈔本 ○唐黃滔撰首篇洪邁撰序文

今闕淳熙三年廬陵楊萬里序云余在中都于官書及士大夫家見唐人詩集略及二百餘家自謂不貧矣逮歸耕南溪之上永豐明府莆陽黃君沃又遺余以其祖御史公文集其詩尤奇蓋余在中都時所未見也永豐君自言此集久逸其父考功始得之僅數卷而已其後永豐又得詩文五卷于呂夏卿之家得逸詩于翁承贊之家得銘碣于浮屠老子之宮當御史公之時豈自知其詩文之傳不傳哉二百年間幾乎泯矣而復傳于二百年之後然則士之所立顧其可傳與否耳不傳奚感

復傳奚欣而永豐君能力求其祖之詩文于二百年之前其可尚也夫內翰洪公敘引載二百八十有五篇續增雪峯報恩二碑而逸御試一詩今并詩文五篇補入共二百九十一篇詳見裔孫方子後跋

晦菴文鈔六卷後集四卷刊本 ○宋朱子著明海虞吳訥

選編嘉靖庚子穎川張光祖會集序稱海虞吳氏鈔於宣德之初安陽崔氏鈔於嘉靖之中茲集合前後爲十卷有賦有詞有操有銘有箴有表有書有序有記有說有跋有碑有贊有雜著有墓表與碣與誌綜其目於篇端錄其全於卷內皆吳崔二公之所選編者

又晦菴文鈔六卷 刊本 ○宋朱子著

濂溪集六卷 ○宋周先生惇頤著紹定元年萍鄉胡安之叔器序後有跋云編是集者周子世孫倫也正之者郡博左子序也刻之者郡貳黃子敏才也跋之者新寧林山是歲乙未秋七月戊辰也

龜山先生集十六卷 刊本 ○宋將樂楊時著咸淳己巳丁應奎序明宏治辛丑新安程敏政序稱龜山文集三十五卷館閣有鈔本其有得於心者爲十六卷將樂知縣江東李熙跋後將樂舊有先生書院在龜山下熙嘗疏請崇鄉祀錄恤其後是編與縣簿司訓庠生捐金復梓

陸象山粹言六卷 刊本 ○宋撫州金溪陸先生子靜居貴溪之象山學者尊爲象山先生明嘉靖癸丑臨海王宗沐旣刻朱子大全私鈔而稍論次朱陸之異同更錄象山書文語錄論學者釐爲六卷冠以慈湖陽明二序刻焉備觀先生之書更合之于朱子得其所以同辨其所以異則知道無不合言有各指而猥指之爲俗與禪可乎

渭南文集五十二卷 刊本 ○宋陸游著正德癸酉新安汪大章序畧云余少讀宋史至陸放翁傳識其爲山陰人正德壬申以巡行之便迺得登龍山瞻禹穴而式翁之

故址癸酉之春與省元張君直尙論前輩遺事又得翁所著渭南文集廼知考亭與之西山論之不我誣也顧本多訛闕附以手錄至不能字因憶史稱翁長於詩而集未之備再求善本雖紹興亦不可多得廼屬諸郡守梁君喬倡其寮屬廣之於時同知屈詮通判王翰李昇推官杜盛知縣張煥黃國泰僉以爲是不可沒者而余適更蒞浙西又三月省元以書報曰放翁遺集郡齋正訛補闕梓而行之與吾黨之士共矣因序其簡端正德八月上杭梁喬序後

慈湖先生遺書十八卷

刊本

○宋楊簡撰

張乖崖文集十二卷

烏絲闌鈔本

○宋張詠著郭森卿序云故

禮部尙書忠定張公以直道爭太宗真宗雖不登相位而眷倚特隆天下誦其事業而鮮有知其文者森卿初至邑會舊歸三山陳侯樸授一編書乃公遺文欲刊之縣齋而未果屬使成之歌詩有古樂府風氣律句得唐人體若聲賦之作又其傑然雄偉者因揭以冠編首或者以小英歌等不類公作然其詞艷而不流政自不害爲宋廣平梅花賦耳語錄舊傳有三卷今采摭傳記僅爲一卷以附焉遺事所載未備輒以所聞增廣又于石刻中增收詩八篇好事者有爲公年譜亦加剛次別爲

一卷舊本得之通城楊君津家凡十卷今爲十二卷其會萃訂證寔屬之尉曹孫君惟寅而使學生存中參焉外有韓魏公所作神道碑內翰王公送公宰崇陽序李巽巖詞堂記項平庵北峯亭記其文皆知公之深者爰並錄之

王黃州小畜集三十卷

絲紙監絲關鈔本司馬公題籤有天一閣并東明山人之印二圖章

○宋王禹偁撰紹興丁卯歷陽沈虞卿校刊并識云內翰王公以文章道義被遇太宗皇帝偶坐事左遷咸平初來於齊安在郡政化孚洽容與暇景作樓無齋睡足軒以玩意邦人爲繪像立祠東坡居士嘗親拜其下歷

歲滋久音徽渺然良可太息平生撰著極富有手編文集三十卷名曰小畜集得之者珍祕不傳以故人多未見虞卿假守于此追訪舊址躊躇增慨想見其人思欲以次興葺且先其大者因以家笥所藏小畜集八本更加點勘鳩工鏤版以廣其傳

石湖文集三十四卷

絲紙藍絲關鈔本

○宋范成大撰

勉齋文集四十卷

絲紙藍絲關鈔本

○宋黃幹撰

唐子西集二卷

刊本

○宋宣德

四年唐庚纂并序

重編趙清獻公文集十卷

刊本

○宋趙抃著明嘉靖元年

衢州知府莆田林有年序稱余忝守三衢始至謁公祠

而脩之復祀公於郡齋之北治理之暇取公集而閱之
年久簡篇失次字畫脫落讀者病焉遂謀之同寅陸君
仁傑曾君天敘楊君時明囑江山尹吳亞甫考訂編補
而新之托姓名于不朽庸非幸歟爰書于集之末以告
後之欲知公者卷首有宋景定天台陳仁玉序至治首
元蒙古晉人僧家奴鈞元卿明成化馬崑閻鐸各有序
又一冊重刊本○明嘉靖壬戌宜興楊準有序

歐陽文忠公全集一部居士集五十卷外集二十五卷易
童子問三卷外制集三卷內制集八卷表奏書啟四六
集七卷奏議集十八卷雜著述十九卷集古錄跋尾十

卷書簡十卷又附錄五卷

刊本

○宋歐陽脩撰周必大

序云文忠公集自汴京江浙閩蜀皆有之前輩嘗言公
作文揭之壁間朝夕改定今觀手寫秋聲賦凡數本劉
原父手帖亦至再三而用字往往不同故別本尤多後
世傳錄既廣又或以意輕改殆至訛謬不可讀廬陵所
刊抑又甚焉卷帙叢脞畧無統紀私竊病之久欲訂正
而患寡陋未能也會郡人孫謙益老于儒學刻意斯文
承直郎丁朝佐博覽羣書尤詳考證于是徧蒐舊本仿
采先賢文集與鄉貢進士曾三異等互加編校起紹熙
辛亥春迄慶元丙辰夏成一百五十三卷別爲附錄五

卷可繕寫模印惟居士集經公決擇篇目素定而參校
衆本有增損其辭至百字者有移易後章爲前章者皆
已附注其下如正統論吉州學記瀧岡阡表又迥然不
同則收實外集自餘去取因革靡有依據或不必存而
存之各爲之說列于卷末以釋後人之惑第首尾浩博
隨得隨刊歲月差互標注抵牾所不能免其視舊本則
有間矣旣以補鄉邦之闕亦使學者據舊鑒新思公所
以增損移易則雖與公生不同時殆將如升堂避席親
承指授或因是稍悟爲文之法此區區之本意也又蘇
軾序紹興十六孫謙益校正三年丁朝佐校正四年曾
三異校正五年胡柯校正慶元元年葛深王伯芻朱岑
胡柄等覆校二年曾煥胡煥劉夔羅泌等又覆校均附
存

廬陵歐陽先生文集六十四卷

宋刊本

東坡集十六卷

刊本

○明萬歷庚子焦竑序云古今之文

至東坡先生無餘能矣獨其簡帙浩繁部分叢雜故先
生之文學者未盡讀卽讀而弗知其味猶弗讀也卓吾
先生乃詮擇什一并爲點定向余于中祕見蘇集不減
十餘種手自排纂爲一編未成頃王太史取見行全集
與外集類次之以傳屬余以卓翁本先付梓人學者讀

此而有得因以讀先生之全書斯無負于兩先生耳
蘇文忠公文集四十卷奏議十五卷外制集三卷內制集
十卷後集二十卷續集十二卷刊本○宋蘇軾著成化
四年李紹序云古今文章作者非一人其以之名天下
者惟唐昌黎韓氏河東柳氏宋廬陵歐陽氏眉山二蘇
氏及南豐曾氏臨川王氏七大家而已然韓柳曾王之
全集自李漢劉禹錫趙汝礪危素之所編次皆已傳刻
至今盛行于世歐陽文惟歐所自選居士集大蘇文惟
呂東萊所編文選與前數家並行然僅十中之一二求
其全集則宋時刻本雖存而藏于內閣仁廟亦賞命工
翻刻而歐集止以賜三三大臣蘇集以工未畢而上升
遐矣故二集之傳于世也獨少海虞程侯自刑部郎來
守郡謂歐吉人吉學古文者以歐爲之宗師也嘗求歐
公大全集刻之郡豐以幸教吉之人矣旣以文忠蘇公
學于歐者又其全集世所未有復徧求之得宋時曹訓
所刻舊本及仁廟所刻未完新本重加校閱仍依舊本
卷帙舊本無而新本有者則爲續集并刻之以與歐集
並傳于世旣成教授王君克脩索予序按公文全集初
有杭蜀吉本及建安麻沙諸本行世歲久不復全茲幸
彙爲一集傳刻于世使吾郡九邑之士得而觀之皆知

學古而去浮靡之習四方郡邑之廣以至遐裔亦必因以流布而皆有以沾其賸馥則侯之有功于蘇文豈不亦大且遠乎予故樂而爲之序

蘇文忠公全集四十卷

刊本

○宋蘇軾著明成化四年郡

人李紹重刊嘉靖十三年江西布政司重刊南豐縣教諭繆宗道校正後集二十卷奏議十五卷內制十卷樂語一卷外制三卷應詔十卷續集十二卷

蘇文忠公文四十卷

刊本

○卷首載宋史本傳

欒城集五十卷後集二十四卷三集十卷

藍絲關鈔本

○宋蘇

轍著淳熙己亥曾孫詡識云太史文定欒城公集刊行

于時者如建安本頗多缺謬其在麻沙者尤甚蜀本舛亦不免今以家藏舊本前後并第三集合爲八十四卷皆曾祖自編類者謹校讐數過鈔版于筠之帑云議謚一首並載後集自序云余少以文字爲樂元祐六年年五十有三始以空疎備位政府自是無述作之暇顧前後所作至多不忍棄去乃哀而集之得五十卷題曰欒城集九年出守臨汝自汝徙箔自箔徙雷自雷徙循凡七年元符三年蒙恩比歸寓居潁州至崇寧五年前後十五年憂患侵尋所作寡矣然亦班班可見復類而編之以爲後集凡二十四卷三集自序云崇寧四年余年

六十有七編近所爲文得二十四卷目之曰欒城後集
又五年當政和元年復收拾遺稿以類相從謂之欒城
第三集方昔少年沉酣文字之間習氣所薰老而不能
已旣以自喜亦以自笑今益以老矣餘日無幾方其未
死將復有所爲故逐類輒空其後以俟後日附益之云
爾淳熙六年鄧光序

范文正公集一冊

刊本

○宋蘇軾序稱公在天聖中居太
夫人憂已有天下致太平之意故爲萬言書以遺宰相
天下傳誦至用爲將擢爲執政考其平生所爲無出此
書者今其集二十卷爲詩賦二百六十八爲文一百六

十五其于仁義禮樂忠信孝悌蓋如飢渴之於飲食欲
須臾忘而不可得如火之熱如水之濕蓋其天性有不
得不然者雖弄翰戲語率然而作必歸于此故天下信
其誠

臨川先生文集一百卷

刊本

○宋荆國公王安石撰明豫

章黃次山季岑氏序

蔡端明文集二十四卷

藍絲闌
鈔本

○宋蔡君謨撰永嘉王十

朋序稱國朝四葉文章尤盛歐陽文忠公徂徠先生石
守道河南尹公陟魯莆陽蔡公君謨皆所謂傑然者文
忠之文追配韓子其剛氣所激尤見于責高司諫書徂

徠之氣則見于慶歷聖德頌陟魯則見于願與范文正
公同貶之書君謨則見于四賢一不肖詩四君乃同出
仁祖治平醇厚之世何其盛歟興化守鍾離君松傅君
自得訪故家得其善本教授蔣君雖手校之錢版郡庠
得古律詩三百七十首奏議六十四首雜文五百八十
四首而以四賢一不肖詩置諸卷首與參議之切直舊
所不載者悉編之比他集爲最全

徠文集二十卷

鈔本卷首有天一閣古司馬氏四明范氏圖書記三圖章

○宋徠

石介守道著卷末有歐陽文忠公撰墓志銘并讀徠
集文一篇又重讀徠集文一篇云我欲哭石子夜開

徠徠編開編未及讀涕泗已漣漣勉盡三四章收淚切
析權切切善惡戒丁寧仁義言如聞子談論疑子立我
前乃知長在世誰謂已沉泉昔也人事乖相從常苦難
今而每思子開卷子在顏我欲貴子文刻以金玉聯金
可鑠而銷玉可碎非堅不若書以紙六經皆紙傳但當
書百本傳百以爲千或落于四夷或藏在深山 彼

故此光芒懸人生一世中長短無百年無窮在其
後萬世在其先年長多幾何年短未足憐惟彼不可朽
名聲文行然讒誣不須辨亦止百年間百年後來者憎
愛不相緣公議然後出自然見媿妍孔孟困一生毀逐

遭百端後世苟不公至今 聖賢所以忠義士恃此死
不難當子病方革謫辭正騰喧衆人皆欲殺聖主獨保
全已 猶不信僅免斲其棺此事古未有每思輒長嘆
我欲犯衆怒爲子記此冤下紓冥冥忿仰叫昭昭天書
于蒼翠石 崔嵬巔詢求子世家恨子兒女頑經歲
不見報有辭未能詮忽開子遺文使我心已寬子道自
能久吾言豈須鐫

止齋先生文集五十二卷附錄一卷 刊本 ○宋陳傅良著
嘉定曹叔遠序稱哀次遺稿斷自梅潭丁亥之後凡爲
歌辭古律詩內外制奏狀劄子表啟書序記雜著祭文

墓誌行狀總五十二卷卽先生燕坐之齋以爲集名若
成書則有讀書譜二卷春秋後傳十二卷左氏章旨三
十卷周禮進說三卷進讀藝祖皇帝實錄一卷未脫稿
則有詩訓義周漢以來兵制皇朝六事記皇朝百官公
卿拜罷譜皇朝財賦兵防秩官志稿別自爲編附志其
目先生名傳良字君舉世系歷官具見于神道碑墓誌
銘行狀云明王瓚序林長繁後跋

北溪先生文集五十卷又外集一卷 刊本 ○宋陳淳字安
卿著至元改元漳州學教授宓軒王環翁舜玉父序稱
集五十卷淳祐戊申郡倅薛公季良錢梓龍江書院歲

久佚壞乙亥暮春幕賓本齋高公文移有司力請壽梓於是太守張公是其說推理烏古孫公贊其謀遂以庠廩贏奇委學錄黃元淵之三山墨莊鏤刻而黃又勉齋先生之裔故其奉承惟謹不三月而集事環翁備員教席命序其事

王廣陵文集二十二卷

藍絲闌鈔本

○宋王令撰外孫吳說編

次卷首有王安石撰墓誌銘并劉發撰傳

范賢良文集二十二卷

刊本缺一冊

○宋范浚撰屠維大淵獻

之歲後學童懋跋云進士唐君尙虞之治蘭谿也用儒節吏善於其職聲稱翕然乃于蒞政之餘閱地志訪遺

書于是香溪先生范公之後曰永昌者出其家藏之集二十有二卷蓋先生從子右吏蒙齋之所類也爰命授梓以惠學者而俾懋識諸其末

黃四如先生集

刊本

○宋黃仲元著洪武八年金華宋濂

序稱先生居莆陽唐御史滔之十二代孫世爲儒家其父績師事瓜山潘公柄復齋陳公密二公實考亭朱子勉齋黃公之高弟子也先生擢咸淳辛未進士第陸公秀夫極器之累官皆辭不就宋既改物歸隱山林四方有受學者爲敷繹濂洛關閩之緒而開導之爲三務以理勝門人武夷詹清子類次六經四書講義爲六卷刊

之先生之子汀州路總管府知事梓又分記序墓銘字
訓之屬爲五卷而刊之身後遺文尙多其曾孫鄉貢進
士至又哀集爲十卷先生黃氏諱仲元字善甫改名淵
字天叟號韻鄉老人云嘉靖壬寅裔孫廷宣識後
黃四如文藁四卷刊本○宋莆田黃仲元著元至治三祀
前進士傅定保序

周益國文忠公文集三百卷紅絲闌鈔本○宋少傅益國公周
必大撰開禧丙寅嗣子周綸輯并識云先生丞相文集
二百卷初與父友免解進士曾無疑三異纂集校正篇
帙既定又得免解進士許志伯凌鄉貢士彭清卿叔爰

羅次召克宣相與覆校鈔本以傳惟日記自紹興戊寅
訖嘉泰甲子紀錄頗詳而書藁尤多皆未遑盡刻

劉後村先生大全集一百九十六卷縣紙藍絲關鈔本

吟嚳語一冊鈔本此係未刻以前原本明成化癸卯吳郡張習刊于嶺南缺卷末自製墓誌一首多鄧

光薦序文一篇○宋吳郡宋無子虛著蓋宋末遺老不自署真

名卷首有至元李玉序稱吟嚳語者寐叟詩也叟自云
情騰鄉人好寐與吟吟則寐寐則吟吟作吟嚳聲似夢
不覺如醒未醒不知吟耶寐耶寐而吟耶吟以寐也或
問叟姓名則曰吾寐吾寐據梧而暝鄉里稱寐叟云未
有自著墓誌銘

呻吟集一冊

刊本

○宋吳郡子虛著元中統三十一年甲

午廬陵鄧光薦中父序稱吳逸士宋子虛生景定間未弱冠時已廢科舉故惟詩是學其人淵嘿似不能言其詩則超邁有不可掩者嘗觀其所著翠寒諸作又出其呻吟集畀余序子虛名無呻吟名集者取列禦冠所謂寐聲亦謙辭也有自題一則至元柔兆困敦歲子月長至日書于商邱之通元亭後有成化癸卯後學張習識嘉靖丙戌合陽東山趙章跋

北山小集八卷附行狀一卷

鈔本

○宋程俱撰施介夫編

葉夢得序

勿齋文集二卷

鈔本

○宋楊至質撰

晞髮集一卷○宋謝翱著明宏治十四年海陵儲燿序云

晞髮集有宋遺民謝翱臯羽著翱之出處志行其友方鳳吳謙有狀有志太史宋公暨諸先輩有傳翱書殆百卷此集蓋其一也丞相文公嘗署以職及丞相死于燕翔徬徨山澤長往不返懷賢憤世鬱憂之意一吐于詞卒窮以死翱真丞相之客也此集燿鈔于建安楊晉叔會馮御史執之按部至海陵嚙出而閱之作而嘆曰翱之樂府諸體似李賀張籍近體出入郊島間古文則直溯柳柳州之脈其行潔其志廉有沉湘蹈海之風是宜

天一閣書目

集部

卷

傳也廼篋之至揚告唐運使文載運使曰此余雅慕其人而未見其文者遂相與刻之而囑囀爲之引郴陽馮允中跋後

丁鶴年集三卷 刊本 ○宋武昌孝子丁鶴年著門人四明戴稷戴習脩江向誠向信校方外曇錚同編次正統二年蕭山魏驥至正甲午金華戴良虎邱澹居老人至仁俱有序四明烏斯道撰傳稱孝子西域人性狷介窮經博史尤工于詩自其祖阿老丁公入中夏世爲顯官

山谷別集二卷 刊本 ○宋黃庭堅撰青神史季溫注
熊豫童家集七卷 藍絲闌鈔本 ○宋豫童熊朋來撰鄉生樂安

鄒良刊錫山安國重刊

劉公是集 ○宋劉敞撰

漫唐文集四卷 刊本 ○宋寶謨閣學士金壇劉宰著明正德辛巳果州任佃序稱戊寅承乏茲邑大學靳戒翁先生云昔自祕閣得宋先生劉漫唐文集潤之人物在是將廣使後人緣是有所矜式因退與同年王君汝陳合謀梓之舊傳有文集三十卷語錄十卷皆不復見此特其前集爾前有宋淳祐二年王遂序并小像及安成王節贊後有同邑王臬重刊跋

二妙集八卷 刊本 ○金段克已段成已著元臨川吳澂序

云河東二段先生伯氏諱克已字復之人稱遯菴先生
在金以進士貢金亡餘二十年而卒終身不仕仲氏諱
成已字誠之人稱菊軒先生在金登進士第主宜陽簿
年過八袞至元間乃卒雖被提舉學校官之命亦不復
仕遯翁之孫輔由應奉翰林馭歷臺閣今以天官侍郎
知選舉解后于京師出其家藏二妙集以示一覽如覩
靖節三復不置昔之耆彥嘗評二翁謂復之磊落不凡
誠之謹厚化服摹寫蓋得其真予亦云然元泰定四年
丁卯翰林學士資德大夫知蜀郡虞集撰世德碑銘後
嗣段輔識後明成化辛丑中州賈定誌于絳郡之樂只

堂

剡源文集三十卷

刊本卷首有天一閣萬古同心之學圖章

○元戴表元著洪

武四年明宋濂序周汝礪有引萬歷戴洵序云剡源集
宋景濂學士爲司業時嘗序而刻之太學已泯沒旣而
友人周羽可好其文極力訪輯頗得其全而多所訛脫
余嘗從借得手鈔之日夕覽味始知前輩爲文其命意
構辭必有準繩每欲刻之以程後進而未能也邇以承
乏來典南太學事因求宋公所刻遺版而無有矣乃稍
加校訂命工鋟梓以完太學之舊

臨川吳文正公集四十二卷

刊本

○元吳澄撰卷首載元

史列傳揭傒斯撰神道碑暨年譜行狀明宣德十年從祀孔廟議

丹崖集十卷

藍絲闌鈔本

○元唐肅撰臨川危素序

桂隱集一卷

鈔本

○元劉詵撰至正元年廬陵歐陽元序

趙東山文集九卷詩集二卷

烏絲闌鈔本

○元休寧趙汭撰

許魯齋全書七卷

刊本

○元許衡著河內郝綰玉卿編集

懷慶何瑋粹夫校正關西高傑冠吳刊行祭酒耶律公

撰行實公名衡字仲平懷慶河內人金大安己巳生于

河南新鄭寓舍壬辰北渡隱居大名遷居于衛甲寅京

兆宣撫使廉公奉潛藩命來徽乙卯授京兆提學辭不

受中統後凡五應召北上皆辭至元十八年三月薨年

七十三皇慶二年詔與宋儒周程張邵司馬朱張呂九

人從祀夫子廟庭

書林外傳七卷

刊本殘

○元四明袁彥章著至正四年臨川

危素序已殘缺正統三年戊午同郡後學陳敬宗序云

菊村袁先生書林外藁若干卷五七言律絕句若干首

老氣健辭雄壯典雅不雕不琢出於自然誠一代傑作

不可多得先生學通五經仕元之盛直欲追踪乎古之

人也國朝永樂初令子廷玉以翊運功授太常寺丞歿

贈少卿廷珪由紀善陞禮科給事孫忠徹繼爲尙寶少

卿功業烜赫皆以詩名于時又以見先生家學之有傳而繼述之不乏也先生鄞人諱士元字彥章菊村其別號也

御製文集二十卷

刊本

○明太祖高皇帝文嘉靖己丑劉

臬序云奉命出按雲南從黔國公臣沐紹勛得其先世所藏鈔本伏而讀之仰而嘆曰大哉郁郁乎淵乎廣乎並經而垂憲不可以有加矣寰宇之內宜家傳而人誦之也因屬提學按察副使臣唐胄校正簡郡學弟子書以入刻俾天下萬世知我聖祖之文與天爲一云

于肅愍公集九卷

大梁書院刊本

○明于謙撰嘉靖丁亥新喻簡

霄序四明王應鵬後序

王氏家藏集四十一卷又慎言集十三卷雅述二卷內臺

集九卷

刊本每卷首有天一閣東明山人之印二圖章

○明兵部尙書浚川王

廷相著首卷起至四十一卷俱詩古文門人鄔紳湯紹恩余承業校正蘭谿唐龍潁川杜柎子門下士上黨栗應宏序慎言十二卷嚴衛孔子之道不敢雜以異說之意姑蘇顧璘瓊臺黃芳序岱埜張一厚成都焦維章跋後雅述二卷自序云述其中正經常足以治世者安陽崔銑序首新安謝鎰濟南周居岐跋後內臺集九卷嘉靖十八年沁陽門人張鵬序曰錄浚川公與名公鉅卿

歲壬辰後往來辨答贈送之作刻之東省見公之所以
經濟天下者有具也洪洞李復初序

東石類藁十卷

刊本

○明清吏司郎中金溪王冥著嘉靖
八年乙丑臨川吳華序稱王君時禎類錄其平生之言
而以別號志焉者也南城傅君宗會梓行之

東石續集九卷

刊本

○同上婿金溪黃文龍編次臨川章
衮序

東石近藁十卷

刊本

○同上嘉靖壬子同郡徐良傳序稱
先生少與伯子青崖齊名士林推爲宋氏郊祁蘇氏軾
轍旣成進士歷刑禮曹官先生以青崖蚤世父潼川公

將老而成乞終養以歸視終不復出就家拜浙江提學
副使不赴屢用言者薦亦不起杜門掃軌日與經籍相
酬酢所著有類藁先已梓行吳太守石亭章督學介菴
序之自嘉靖丙午迄今茲爲近藁則先生子婿黃文龍
維中所次且欲梓之與前二藁並傳云

少華山人文集十三卷後集十卷續集六卷

刊本

○明僉

都御史西京許宗魯著郭杜王九思序稱大中丞揭陽
翁公貴池柯公並巡撫關中獲覩全編檄屬部雕梓并
有門人漢汭胡彥關中胡侍雍長安王鶴等序

羅一峯先生文集十四卷

刊本

○明永豐羅倫著有宏治

癸丑石齋陳獻章所撰一峯先生傳正德十六年有詔
制并像贊嘉靖己酉羅洪先聶豹俱有序

陸子餘集八卷

刊本

○明工科給事中吳郡陸粲著呂光

洵序云往歲遊姑蘇得見陸貞山先生與論古今文學
異同之旨出示文若詩若干篇洵受而藏之今先生之
子延枝將盡刻先生所著以傳屬洵爲之序

梓溪文集十卷

刊本

○明舒芬著嘉靖十三年海偶黃佐

序

唐荆川文集十二卷

刊本

○明唐順之著詩曰下自註此

下係翰林時作

重刻校正唐荆川文集十二卷○嘉靖己酉晉江遵巖居
士王慎中序稱無錫安君如石子介慕君之學得其所
爲詩文彙而刻之卷末有是集因無錫版差訛太多乃
唐公親自增削校正無差者三衢葉寶山堂大圖章毗
陵陳奎鏤版

白華樓藏稿九卷○明歸安茅坤著邑人姚翼編隆慶元
年臨海王宗沐序

白華樓續稿四卷

刊本

○同上與汪南明書曰家刻十一

卷續稿詩文七卷續稿日所酬答而侍兒輩日以活字
版翻印者也故首尾無次亦多舛訛倘賜塗抹箋教之

幸甚

湯臨川問棘堂郵草十卷 刊本 ○明臨川湯顯祖著萬歷

六年謝廷諒序稱所述有十三經存註讀二十一史畧

而前後火所藏書著作殆盡獨易詩書論語孝經爾雅

孟子左氏後漢三國志南北史舊唐書五代史數十卷

在友人饒崙伯宗陽以善吉甫處幸存而君性豪畧恐

亦不能續全之矣為是刻其丁丑以來詩賦或有所附

題曰郵草所傳答四方馳示余者也君名顯祖字義少

陳兩湖文集一卷 縣紙鈔本 ○明陳昌積著

陽羨稿一卷 刊本 ○明王世貞著

逸老堂淨稿二十卷 刊本 ○明謝省著宏治庚戌南昌張

元積序云逸老寶慶太守謝公歸休之自號茲其平日

之所作也逸老名省字世脩台之黃巖人自甲戌進士

歷主事員外郎于兵部陟守寶慶甫一考即歸年纔五

十四族子侍講鳴治輯成茲集其傳也無疑于是乎序

之時宏治庚戌端陽日逸老壽已七十有一矣

胡仲子文集十卷 縣紙藍絲闕鈔本 ○明胡翰著宋濂序序多脫

字

汲臺集二卷 刊本 ○明陳鳳梧撰嘉靖甲申崔銑序

王陽明先生別錄十卷 刊本 ○明王守仁著

兪州山人四部稿一百八十卷○明吳郡王世貞元美撰
東郭先生文集九卷刊本○明刑部侍郎鄒某著卷首門
生海陵林春序嘉靖十七年婺源洪垣後序

程篁墩文粹二十五卷刊本○明禮部尙書新安程敏政
撰正德元年三山林瀚序有宏治十二年授禮部右侍
郎誥敕有小像及太原周經贊北海沈東之傳大庾張
九達小識宏治乙丑門人婺源戴銑後序云文二十五
卷族子曾所摘錄銑爲詮次始嘗自輯爲篁墩稿篁墩
續稿篁墩三稿行素稿復合諸稿而一之增爲卷百有
四十總名之曰墩篁先生文集但卷帙繁多艱於傳錄

宏治癸亥大庾張先生拔其粹刻之

泉齋勿藥集十四卷

刊本

○明戶部左侍郎無錫邵寶撰

林心泉集十卷

刊本

○明廣西布政閩人林懋舉著侯官

王應鍾選子東榮刻姑蘇門生黃門跋云公諸疏牘所
論列皆國家大計如條邊務陳江防糾官邪登雋良議
酌省才猷敏練以忠赤自許至其古風歌行有漢魏體
五七言律宛似元和人句記序溫純爾雅可愛可傳顧
公所重者奏疏此又其緒餘耳未附門生王陽丁元復
祭文及洪世文行狀魏文煇墓銘子東榮行畧并王應
鍾銓擇詩文覆東榮札

容越志二卷

刊本

○明王穉登撰隆慶改元沛國朱察卿

序

莊渠先生書稿全編四卷

刊本

○明人撰嘉靖丙辰從子

參編序稱先生著作凡以明其所得或發前賢所未

發皆不得已而作先生歿門人雜記其平日奏疏講義

序說論札彙為成書欲梓而吾弟續復輯先生書稿累

成四帙名曰書稿全編

余遷江集二卷

刊本

○明知遷江縣事余佑著嘉靖己酉

子紹芳刻于四川官署卷首自序卷尾紹芳跋識

適晉稿六卷

刊本

○明東郡謝綦著北海馮惟訥河汾孔

天允同批點始于嘉靖癸亥六月訖于乙丑十二月題

中瀋瀋諸宗室皆稱號諸縉紳隱流皆稱字從遊燕集

舊例

思補軒漫稿八卷

刊本內有贈司馬公古風二首

○明吏部侍郎永新尹

臺著并自序嘉靖辛酉門人盱江王材序子重民識

三巡集一冊

刊本

○明巡按濮陽蘇佑著自序稱初按宣

大繼按江北繼按江西有所作輒錄之故名汝南張承

祚跋

適志集十卷

刊本

○明江西黃鑰著子梁山知長垣縣事

刊于任戶部郎中長垣張愉序戶部主事李從宜序後

編茗集八卷 刊本 ○明江西參政朝儻黃卿撰嘉靖二十

一年宗藩朱既白刊鄭天行陳蘭化校濮陽蘇佑序

康對山集十九卷 刊本 ○明翰林脩撰武功康海著海號

對山嘗托其友張太微治道校序卒後太微請中丞翁

東厓檄西安吳六泉梓嘉靖乙巳羨陂王九思序

秀巖楚遊集二卷 刊本 ○明岐陽武靖王之孫臨淮李名

言著弟寧儉編次嘉靖乙丑崇陽劉景紹序

龍石集二卷 刊本 ○明聊城許成名著嘉靖癸亥濮陽蘇

佑序

余文敏公文集十五卷 刊本 ○明余有丁著門人沈一貫

序

珠川摘稿十四卷 刊本 ○明進士古睦吳世良著吉水羅

洪先批武進唐順之點門生胡漢余喬編輯嘉靖壬子

歲弟世宜序稱世良有雲塢集周生激宋生銘梓子信

江郡至結茅湖上忽經數紀尙有未刻用與龍泉胡子

鳳岡余子共取雲塢集每類各摘數篇刻置于武林書

屋

明水陳先生集二卷 刊本 ○明臨川陳九川著門生董燧

刊嘉靖戊午晉江王慎中序卷首有小像并吉水羅洪

先贊雙江聶豹墓碑羅洪先墓志銘先生為陽明高第

弟子學者咸推慕焉

愧齋文粹五卷

刊本

○明莆田陳音著嘉靖元年師山馬

明衡序稱公以厚德聞于天下平生所著不下千餘篇
後峯黃君伯固嘗即家藏編輯得若干篇其孫須政又
即其集錄其要若奏疏序記誌銘之類得若干篇題曰
愧齋文粹鈔梓以傳

聞鶴亭漫集一冊

刊本

○明陳朝錠著王庭欽序

王遵巖文粹十六卷

刊本

○明晉江王慎中著隆慶庚午

沔陽陳文燭序

家居集七卷

刊本

○明王慎中著嘉靖壬子華雲序云遵

巖王子曩以吏部謫倅毘陵吾毘陵未之奇也會荆川
子自京師歸語于人毘陵人乃知王子余官京師其弟
初部君余同年嘗授予一編曰此吾兄家居集也及改
官留都同年稽勲洪君取而編校之乃刻以傳閩中

玩芳堂摘稿四卷

刊本

○明王慎中著曹忭序稱曩在京

師與同游之士極論當今文學在吳中共推唐應德氏
在閩中共推王道思氏二公才名不相上下唐集已刻
之吳中庚戌之歲余按江右政暇蒐取篋中所攜王集
玩而讀之適廉憲蔡道卿至輒以授之校刊王諱慎中
字道思別號遵巖居士所著作尙多此刻其摘稿云

研岡集三十四卷刊本 ○明潁川杜柟著嘉靖乙未王廷

相序

蔣齋先生文集十二卷藍絲闌鈔本 ○明林誌著正德庚午曾

孫士昭序云是集曾大父諭德蔣齋先生所著原稿五

十卷大父助教公珍藏嘗欲版行顧力有未逮至正統

八年春巡按御史張處告恐散佚失傳特命四庫掌教

先生選校其中深古者錄得三分之一繡梓迄今七十

餘年版遭朽落得者亦鮮矣茲以尋得舊本補完十二

有策府樞要十二闡干碎金四十三要歌暨敕命諡詞

表傳及諸祭文詩章不入集中俟後與拾遺別梓卷首

有吳節恪贊并洪熙元年制詰宣德二年臣王寶等御

祭文國史名臣列傳係男雲翰識正統八年天台王用

盛有序

宗子相文集十五卷刊本 ○明廣陵宗臣著弟原校刊

皇甫司勳集六十卷刊本卷首有天一閣和鳴國家之盛二印 ○明皇甫汈撰

劉鳳序

皇甫司勳慶歷稿一部刊本自卷七至卷十四存 ○明吳郡皇甫汈子

循氏撰

隋堂摘稿十六卷刊本 ○明許茗山著嘉靖辛酉游震得

序許公燕人家于錢塘又為吳人云

石屋存稿六卷 刊本 ○明劉佃序稱同年石屋許君存稿其兄茗山為閩大參佃白閩郡轉山東臬司辭公公出其存稿六卷迺付建陽尹鄒子校正佃為之序而刻之中峯應制稿六卷 刊本 ○明會稽董玘著唐順之序澗濱先生文集六卷 刊本 ○明徐文沔著劉曰材序未軒集十卷 藍絲闌鈔本 ○明黃仲皓撰正德十年門生廬陵劉玉序稱先生莆田世家起郡庠登進士入翰林以言事謫官尋復棘寺歸隱者十有七年再起蒞學不數年致政歸遺文闡理微徵事核模寫窮物象之真吟咏傳性情之正信乎其為有德者之言也

康旻集三卷 刊本 ○明康浩著嘉靖乙巳許宗魯序

徐少湖先生集七卷 刊本 ○明華亭徐文登字子升號少

湖著嘉靖甲午奎湖 眞序首湖廣布政使司龍津黃

焯序曰少湖徐文登名進士傳臚及第官翰林國史編

脩以編脩謫延平推官轉黃州郡丞未幾而拜浙藩公

居延三年延士奔走執業多獲成立此其去也思慕追

攀慮無以日接于公顧惟可以師法者道若文耳乃相

與哀集得文數卷錢梓以傳

兩厓先生文集六卷 刊本 ○明兩厓朱廷立撰嘉靖東郡

蘇佑序江夏三石山人馮世雍後序

劉子威文集三十二卷 刊本 ○明長州劉鳳子威撰并自

序琅琊王世貞四明余寅君房均有序

東里文集二十五卷詩集三卷續集六十二卷代言錄一

卷聖諭錄一卷奏對錄一卷附錄四卷 刊本 ○明少師

楊士奇著永嘉黃淮江陵楊博金陵李時敏均有序周

京唐堯賓張天敘洪恩彭紹夔鄺舜陶校刻

陳后岡文集一卷 刊本 ○明四明陳束約之著四川按察

司僉事趙廷松序

重編誠意伯文集十八卷 刊本 ○明青田劉基著嘉靖丙

辰巡按直隸縉雲樊獻科編序稱集舊刻于括蒼凡二

十卷其間著作雜陳未可類別且歲久多遺落因裒為

十八卷少易舊編之次始像贊行狀概事業之全次御

書詔誥紀勲庸之大次表頌次郁離子揚文明之盛次

序紀至詩歌載制作之詳統會以題要分類以便觀餘

姚李本序

重編誠意伯文成劉公文集翊運錄一卷 刊本 ○王景序

稱先生括蒼之青田人景為同郡今年守職翰林其孫

薦等集其御書詔誥行狀事實等文名之曰翊運錄蓋

取誥文開翊運之語也請予序其首簡

徐迪功集六卷談藝錄一卷 刊本 ○明國子博士徐楨卿

撰嘉靖七年戊子李夢陽序平湖屠奎後序郡人徐縉
跋

由拳集二十三卷

刊本

○明甬上屠隆從穎上徙令青浦

所著文馮太史開之與沈太史君典剛定之名曰由拳
集由拳故青浦地人傳泖水澄隱隱下見城郭狀以故
是集得專名焉卷首有萬歷八年庚辰句東沈明臣華
亭徐益孫序尾有青浦彭汝謙跋

王抑菴文集十三卷

刊本

○明西昌王直著永樂首選進

士入翰林二十八人之一歷洪熙宣德正統景泰四朝
壽至七十三男檢討積編錄在翰林時詩文成化二年

男積重刊安成吳節序

漫遊稿六卷

刊本

○明馮三石撰黃訓序云徃子馮子都

水于徐予道齊魯之郊識焉子馮子號三石有文集若
干卷間出緒餘示學諸生劉丞時濟得而梓之

竹巖先生文集十二卷

藍絲闌
鈔本

○明莆田柯潛撰四世從

孫維騏編校

篆江存稿九卷

刊本

○明姜恩著李維鉉校沈淳序

蘇平仲文集四卷

刊本

○明洪武金華蘇伯衡撰永嘉林

與直編宋濂序云文定公裔孫平仲少警敏絕倫中歲
大肆力于文由國子學錄爲學正上親擢國史院編脩

官以贖辭歸濂以翰林承旨致政天子命舉可自代者
卽以平仲應詔旣至復固辭上憫其誠賜文綺楮幣遺
之平仲名伯衡其先居眉自文定公長子徽猷閣待制
遲來知婺州遂家焉今爲婺之金華人去文定公九世
楊侍讀存稿十卷附錄五卷刊本○明成化四明楊自懲
著子守陞編并序

吳兵部集一卷刊本○明舒州吳檄著西蜀蔣芝序

太倉文畧四卷刊本○明太倉陸子裘選王夢祥刊平湖

馮汝弼撰

薛考功集十卷刊本○明薛蕙君采氏著

石簡肅公文集十四卷○明甬上屠僑著嘉靖四十四年

張時徹序

重刻槎翁文集十八卷○明劉子高槎翁著正德庚辰羅
欽忠序曰槎翁吾泰和前輩元至正鄉舉會兵興不果
上隱居山谷間者久之皇明受命被詔起拜職方郎中
進北平按察副使罷去改禮部侍郎權吏部尙書尋予
告歸明年復徵爲國子司業以卒平生詩文萬篇詩刻
于蕭氏者旣非其全而文集所錄亦僅存此藏于家百
五十年玉光劒氣終不容揜邇者家兄吏部侍郎在告
家居從而校之未畢迫于召命瀕行以告郡太守徐侯

侯乃畢校之且捐資刻梓工既走价示予俾序焉

萬治齋文畧烏絲關鈔本○明萬某撰

方文襄公遺稿五卷刊本○明方獻夫撰四明范欽序

柏齋文集十一卷刊本○明何塘著

尹澄江集二十五卷刊本○明尹直撰宏治七年門生新

安程敏政序稱太子少保兵部尚書兼翰林院學士廬

江澄江先生尹公還政退居其邑之澄江之上門生弟

子相與詮次其文號曰澄江集為二十有五卷適進士

吳君必顯亦門下士方知泰和縣事請而刻之

元遊稿一卷刊本○玉山程應魁孟孺著

鳴玉集一卷刊本○永嘉張遜業著松陽徐夢易校并序

關中集二卷刊本○方新著

文化集一卷鈔本○宣城許棠著

古樓觀紫雲衍慶集二卷刊本○句曲朱象先著

中興間氣集二卷刊本○渤海高仲武集

呂期齋集十四卷刊本○鄭雲瑩彭富王同讚李時成校

梓

鹿原集一冊藍絲關鈔本○玉溪戴欽著

湖上篇一冊刊本○龍珠山人李奎著

鶴江先生頤貞堂稿六卷刊本○不著撰人名氏上元許

穀編輯武進薛應旂校正萬歷甲戌男應申雕藏琳琅館

沈雲卿二卷 刊本

吳霽環文稿一冊 鈔本

吟嚶棄存一卷 蘇紙藍絲關鈔本 ○不著撰人名氏

處庵集一卷 藍絲關鈔本 ○不著撰人名氏

督學存稿二卷 刊本 ○不著撰人名氏

文端集二卷 ○不著撰人名氏

金聲玉振集二十冊 刊本 ○不著撰人名氏

鶴田集三卷 ○不著撰人名氏

樵風十卷 刊本 ○不著撰人名氏

全懿堂集二卷 刊本 ○不著撰人名氏



賜谷空音九卷 刊本 ○不著撰人名氏

聚樂堂甲辰集一卷 刊本 ○不著撰人名氏

淮漢燼餘稿四卷 刊本 ○不著撰人名氏

燼餘錄六卷 朱絲關鈔本 ○名氏未詳有嘉靖丁酉自序一首

自稱漫翁每卷有夾片批評詩文賦雜文題上有墨圈選記此未經選定稿本也



天閣書目

